

## Universitätsbibliothek Paderborn

### **Historiae Ecclesiasticae Pars ...**

HISTORIAE EC||CLESIASTICAE PARS || PRIMA, QVA CONTI-||NENTVR ||  
Eusebij cognomento Pamphili Cæsareæ Palæ-||stinæ Episcopi lib. 10.||  
Eiusdem de vita Constantini magni lib. 4.|| Oratio Constantini magni ad  
sanctoru[m] cœtu[m].|| Oratio eiusdem Eusebij in laudem Constanti-||ni  
magni ad trigesimum ...

**Christopherson, John**

**[Köln], 1569**

Qui inde à Seruatore, vsq[ue] ad eos qui nunc commemorantur,  
Hierosolymorum fuerint episcopi. Cap. V.

**urn:nbn:de:hbz:466:1-29861**

## EVSEBII HISTORIAE

Traianus imperio perfunditus fuisset, Aelius Adrianus in eum dignitatis gradum succedit. Hunc Quadratus, oratione coram habita, compellat, & Apologiam, quam pro nostrae religionis defensione propterea contexuerat, quod nonnulli nequam & perditi homines nostris molestiam faceſſere conarentur, ei offert: quod quidem opus, cum apud multos fratres ad hoc usque tempus, tum apud nos habetur in manibus: ex quo præclara mentis intelligentia & Apostolicæ veritatis excutiendæ regulæ indicia, quæ in illo viro elucebant, facile licet peruidere. Idem porro author suam ipsius ostendit antiquitatem, scribens ad hunc modum. Seruatoris nostri res gestæ semper hucusque ante hominū oculos versatæ sunt, & veræ etiam sunt. Nam nonnulli ab eo ad sanitatem restituti, alij à mortuis excitati, tum id quidem temporis cum essent morbis liberati, vissunt, postea etiam semper hactenus unā nobiscum cōmorati: propterea quod nō solum cum seruator apud nos versabatur, sed etiam post eius decessionem, ad longinquum tempus fuere superstites, adeò ut ad nostra usque tempora non pauci eorum vitam producerent. Verum de Quadrato ista accepimus. Aristides etiam, scriptor fidelis, & institutis nostræ religionis imbutus, Apologiam pro fide nostra scriptis post se reliquit: quam quidem Adriano dedicauit, ut Quadratus antea suam. Qui eius liber, adhuc à plerisque custoditur.

*Qui sub eodem, Romanorum & Alexandrinorum  
episcopi fuerint. CAP. IIII.*

**T**ertiio anno Adriani imperij, Alexander Pontifex Romanus, cum decem annos in eo munere fungendo compleuisset, decedit è vita. Cuius Xyltus successor fuit. Eodem ferè tempore, Primus Alexandriae episcopus cum duodecim annos illi Ecclesiæ præfuisseſſet, morte occubuit, quem secutus est Iustus.

*Qui inde à Seruatore, usq; ad eos qui nunc commemo-  
rantur, Hierosolymorum fuerint episcopi.*

*C AP. V,*

Epi-

Episcoporum autem tempora; qui ecclesiam Hierosolymitanam rexerunt, quotiam ut fertur, vitam ad breue admodum temporis spatium propagabat, nusquam scriptorum monumentis seruata reperio. Tantum tamen ex quorundam scriptis animaduerito, episcopos numero quindecim ad obsidionem, Adriano regnante contra Iudeos factitaram, gradatim succedendo, illuc fuisse, quos vniuersos antiqua Hebræorum stirpes, (totam namque eorum ecclesiam ex Hebreis fidelibus coaliuisse constat) fatos memorant; atque adeo Christi cognitionem ingenuè vereq; amplexatos: ita ut ab illis, qui iam tum de rebus eiusmodi restè iudicium ferre poterant, reuera officio & ministerio episcopali digni iudicarentur: qui quidem ab Apostolorum tempore ad eam tum obsidionem, in qua Iudei iterum à Romanorum imperio desciscentes fuero, non exiguis præliis afflictati, serie successionis continuata, eam ecclesiam rexerunt. Quapropter licet Episcopi, qui ex circuncisione erant, eo tempore prorsus defecissent, sumptio ab illo, qui primus ordine fuit, exordio, illos in præsentia enumerare necessarium arbitror. Primus ergo erat Iacobus, frater Domini appellatus. Secundus Simeon, Tertius Iustus, Zaccheus quartus, Quintus Tobias, Sextus Benjamin, Ioannes septimus, Octauus Matthias, Nonus Philippus, Decimus Seneca, Undecimus Iustus, Leui duodecimus, Ephres decimustertius, Decimusquartus Ioseph, quibus omnibus decimusquintus accessit Iudas. Totidem ciuitatis Hierosolymorum episcopi fuerunt, qui ab Apostolis tum ad hunc quem dixi, Iudei, tum ad tempus usque Adriani ordine successionis continuarunt, siique omnes ex circuncisione. Ianuero, duodecimo anno imperij Adriani, ubi Xystus decem annorum spatium in Romani pontificatus administratione confecerat, septimus ab Apostolis successit Telephorus: anno autem, & mensibus aliquot p̄terlapsis, Eu menes, simulatque Iustus, qui ante illum id munera fuisse executus, undecim annos in episcopatu transegerat, ad ecclesiam Alexandriæ moderandam sextus ordine designatus est.